

Литература фестивалы

Тюменьысен Крымозь

Тодмо луизы кылем ар понна устоосыз книгаос

Шаерамы ортчиз «П. Чайковскийлэн дор пальёсаз» литература 5-тиез фестивалы. Со чотын Удмуртиын ортчизы тодмо писательёсын, художникъёсын, артистъёсын 75 пумиськонъёс, адъытонъёс, концертъёс, спектакльёс но презентациос. Фестивальлэн 1-ти нуналаз Йёскалык библиотекаын пусйизы «Книга года на родине П. Чайковского» конкурсын вормисъёсты.

Туэ конкурсэ пырыськызы 19 улосъёсысь 70-лэсь ятыр авторъёс — Удмуртиысь, Марий Элысь, Чувашиысь, Саха Республикаысь, Башкирысь, Карелиысь, Крымысь, Кабардино-Балкарысь, Хакасиысь, озьы ик Калининград, Тюмень, Киров, Орёл, Рязань но мукет улосъёсысь писательёс но шаерчиос, издательствоос но библиотекаос. 146 книгаос пöлысь вормисъёс быръемен вал 8 номинацияя.

«Устооз шаертодонъя книга» луиз Тюменьысь «Возрождение Тобольска» фондэн поттэм «Тюмень — столица деревень» 4 томен издание (12+).

«Устооз нылпи книга» — Башкирысь «Китап» издательствоын печатлам Мустай Каримлэн «Безъең өйзөң йәме = Радость нашего дома» книгаез (12+).

«Вордскем палъёс сярысь устооз книга» номинациын вормиз «Удмуртия» издательстволэн «История



Йёскалык библиотекалэн «ВКонтакте» бамысыз

Йёскалык библиотекалэн кивалтисез Татьяна Тензина зечкылаз «Книга года на родине П. Чайковского» конкурсын вормисе потэмъёсты — Сьёлта ёрос библиотекалэсь кивалтисъёс Татьяна Базилевскихез но «Удмуртия» издательстволэсь кивалтисъёс Юрий Кузнецовез.

Удмуртии. От каменного века до эры космоса» книгаез (12+), печатламын Кировысь книгапоттониын.

«Вылтусызъя устооз книга» — Салехардысь С. Анисимовлэн «Волшебный мир Арктики» фотоальбомез (18+).

«Устооз научной но дышетон книга» — Ижысь Андрей Кононовлэн «Танки на марше. Никто, кроме нас» бичетэз (12+).

«Устооз чеберлыко литература книга» — Екатеринбургсь «Сократ» огазеясконэн поттэм «Урал — Москва — Урал» издание (14+).

«Россиысь калыкъёслэн кылъёсынызы печатлам устооз книга» луиз Якутскысь «Айар» издательствоын печатлам А. Фёдоровлэн «Саха ыалын сиэрэтуома» (16+) книгаез.

«Библиотекаен дасям устооз книга» номинациын вормиз Сьёлта ёрос библиотекалэн «Удмуртия» издательствоын поттэм «Леонид Прозоров» альбомез (12+).

Вань та вормисъёс пöлысь эшшо 2 валтисъёс вормисъёс быръемен вал. Озьы «Арлэн книгаез» луиз Салехардысь С. Анисимовлэн «Волшебный мир Арктики» фотоальбомез.

Нош Удмуртиысь устооз книга» номинациын вормиз «Удмуртия» издательство «История Удмуртии. От каменного века до эры космоса» книгаеныз.

Та книгалэн авторез, «Удмуртия» издательствоысь валтисъёс редактор Георгий Грязев верамъя, таңе издание поттон сярысь со кемалась малпаз ни вал.

— Школаын дышетскыкум ик, та выллем книгае мед луоз кадъ потэ вал: чебер суредъёсын, тунсыко пуштросэн, быдэс семьяен лыдзымон... Нылпиослы но егитъёслы дасям шаертодонъя издание бордын

ужай 3 ар, эшшо 1 ар кошкызы вёрсткалы. Та книга кылем арын Рязаньын ортчэм «Читающий мир» фестивалын «Россия сярысь устооз книга» номинациын но вормиз, — шуиз Георгий Грязев.

«Удмуртия» издательствоысь дизайнерлэн Валентин Семёновлэн пичи дыръяз яратоно книгаез вылэм «Мифы, легенды и сказки удмуртского народа» (бичетлэн художникез — тодмо удмурт суредась Менсэдык Гарипов).

— Соку мон уг но тодиськы на вал, улонэ книга поттон удисэн, «Удмуртия» издательствоен герзаскоз, мон тодматско дышетисенем, «Удмуртия» издательствоын кема аръёс çоже ужам художникен-иллюстраторен Александр Фертиковен шуыса. Александр Васильевич мыным кызы ке шуиз: книга пöрме ке, со быдэс издательстволэн вормонэз. Мон шумпотиско, та коллективлэн оглюкетэз луиско шуыса, — мылкыдзэ усьтис Валентин Семёнов.

Йёскалык библиотекалэн кивалтисез Татьяна Тензина тау каре конкурсэ орчтыны юрттисъёслы. Вожвыльясконэ 5 ар куспын вуиз 24 улосысь 793 издание. Котькудаз шöдиське, макем сюлмысь со гожтэмын, кыңе чебер лэсьтэмын. Та книгаос лыдзисъёслы туж кельшо.

Галина СЕМЁНОВА

Тазалыкмы — киямы

«П. Чайковскийлэн дор пальёсаз» литература фестивалы улсын Йёскалык библиотекаын лекция лыдзиз шаерысьтымы тодмо эмъясь, тодосчи Владимир Савельев.

Туэ ар семьялы сиземен бере, пумиськонын валтисъёс инты басьтис семья сярысь вераскон. Таиз ласянь Владимир Никифорович данъяськыны быгатэ: выжысьтыз 30 пала адями улонэ тазалыкез утён



Йёскалык библиотекалэн «ВКонтакте» бамысыз

Эмъясь Владимир Савельев.

удисэн герзас. Семьяез ик Владимир Никифоровичез улэп но кельтис.

— Пичи дыръям зол висыны уси, — шуэ со. — Койкае понизы. Но эмъясьёс йонатыны өз быгатэ — кылыны шуыса, дорам лэзизы. Паймымон: дорам монэ эмъязы. Кызы? Вышкысь кезыт вуэ донгаса. Мугорам соку ик бадзым пöськы потиз — тыосысьтым вань жобе отчы люкаськем. Агае отысь урзэ поттис. Мыным соку ик капчи луиз. Берлогес ини враченым Можгалась медучилищеын пумиськымы. Монэ адзуса, синъёсэ питыръяз: Савельев, тон улэп шат?!

Лекция люкаськемъёс В. Савельевлы вылысьтыз-вылаз юанъёс сётъязы, кылсярысь, кызы тазалыкез чаклано но егит возиськоно. Оло, аптекаосын вузаскысь магнит аппаратъёсын йонатисконо? Яке сиён ватсэтъёс — БАД-ёс — сиёно?

— Зэмзэ ке, адямилэн тазалыкез — ачиз бордын. Тани мон çукна бадзым вирзйбетэн султиско. Озьы ке но Карлутка шур дуре васкыны кужым шедьтиско. Отын кезыт вуэн гылляськиско но

лэзискем вирзйбетэн дорам бертиско: мылкыд — зеч, йыр — сайкыт.

В. Савельевен пумиськонэ лыктйлям Ижысь медицина академиясь студентъёс но. Соосты Владимир Никифорович туж жалыз, шуиз: чидан тйледлы — дышетскон ласянь өвёл, көтэз тырон ласянь. Угось туалала арын сомында ческыт сиён-юон — öжытэз гинэ чидалоз, соосты куртчытэк.

Ольга КОРЕПАНОВА